

# JAHORINA ULTRA TRAIL 28-29 JULY, 2018

Planinarsko društvo Javorina  
Adresa: Braće Besarevića 16 | Istočno Sarajevo  
Tel: +387 65 922 722  
ID: 4401923280005  
Email: info@jahorinatrail.com  
Web: www.jahorinatrail.com  
Transakcijski račun: 5620120000141527 kod NLB Razvojne banke

## Informacije o Jahorina Ultra-Trail® događaju 2018

### Uvod:

Jahorina Ultra-Trail® je internacionalno takmičenje u trail trčanju (trčanju u prirodi) u okviru kojeg će se 27.-29.07.2018. godine, na stazama koje povezuju Jahorinu s Ravnom planinom, Romanijom i Trebevićem organizovati četiri trke različitih dužina: Mini - 14 km, Midi - 34 km, Maxi - 69 km i Ultra - 102 km.

Staze su navigirane najljepšim dijelovima planina koje su okosnica trenutnog i budućeg razvoja aktivnog turizma u regiji. One povezuju atrakcije poput uskotračne pruge Sarajevo – Višegrad, via feratu i Novakovu pećinu na Romaniji, izvor i kanjon Miljacke, bob stazu i greben na Trebeviću, pa čak i Bašćaršiju.

Tri trke (Mini, Maxi i Ultra) imaju kružnu stazu, startuju i završavaju na Jahorini. Midi Trail je trka koja startuje u Sarajevu, na Bašćaršiji, i njena trasa ide preko Trebevića do Jahorine. Ona simbolizuje sve ono što mi kroz naš imidž gradimo jer spaja grad s planinom i ljude iz preko 25 zemalja svijeta.

### Opis staza:

Mini, Maxi i Ultra startuju od hotela Bistrica i vode na Ogorjelicu, vrh Jahorine, nakon koje se Mini odvaja i vraća se do Bistrice preko Kalajdžijinih stijena, a Maxi i Ultra silaze na Ravnu planinu do Saračevih polja gdje se razdvajaju.

Maxi ide preko Gondole na Vrelo Miljacke i preko Golog Korana stiže na željezničku stanicu na Palama gdje se spaja sa Ultrom.

Ultra se sa Saračevih polja spušta na Stambolčić gdje se uključuje na staru prugu do Podgraba. Od Pograba Ultra uz rijeku Gračanicu ide do ušća Stajnskog potoka i penje se do sela Stajna. PED Romanija staza od Stajne vodi do Novakove pećine odakle nastavlja planinarskom stazom do sela Jelovci. Od Jelovaca do Pala je rastojanje od 10 km šumskih i seoskih puteva. U sportskoj dvorani Peki na Palama ultraši/ce imaju tranzicijsku stanicu nakon koje se spaju sa Maxi trkom na željezničkoj stanici.

Od željezničke stanice Maxi i Ultra zajedno idu kanjonom Miljacke sve do iznad Kozje ćuprije na Močilima gdje se spajaju sa Midi trkom koja dolazi od Bašćaršije tako da od Močila tri trke Midi, Maxi i Ultra idu zajedno preko Apelove ceste i bob staze stazom PD Trebević Stari grad koja vodi do vrha Trebevića. Dalje, od vrha Trebevića trkači/ice idu

*connecting cities and mountains*

# JAHORINA ULTRA TRAIL 28-29 JULY, 2018

Planinarsko društvo Javorina  
Adresa: Braće Besarevića 16 | Istočno Sarajevo  
Tel: +387 65 922 722  
ID: 4401923280005  
Email: info@jahorinatrail.com  
Web: www.jahorinatrail.com  
Transakcijski račun: 5620120000141527 kod NLB Razvojne banke

stazom PD Trebević iz Istočnog Sarajeva preko sela Stupanj do Dvorišta na Jahorini. Od Dvorišta trkači/ice imaju još 7 km staze do cilja kraj hotela Bistrica.

Duž staza svakih 10 km je uspostavljena kontrolna stanica na kojoj se mjeri prolazno vrijeme trkačima/cama, ali se i nudi hrana i piće za okrijepu.

## Uloga volontera:

Stanice se prema rasporedu otvaraju prije dolaska prvog trkača/ice. Potrebno je kontinuirano pripremati i služiti hranu i piće, evidentirati prolazno vrijeme učesnika, bodriti i pružati osnovne informacije o stazi. Detaljnije informacije o stazama, volonterskim zaduženjima i preporukama će biti pružene kroz uputstva. Organizator, svjestan značaja uloge koju volonteri imaju za uspješnu realizaciju trke a koju učesnici evaluiraju po završetku takmičenja, ohrabruje odgovorne pojedince i udruženja da se prijave i pruže podršku organizaciji i realizaciji ovog projekta.

## Organizator:

Projekat Jahorina Ultra-Trail® je započeo 2015. godine u organizaciji PD Javorina Pale i 2018. godine se realizuje po četvrti put.

Uz Sarajevo kao prepoznatljivu turističku destinaciju, projekat ima za cilj da planine iz regije uvede na mapu sportskog turizma kao značajne faktore koji kroz promociju prirodnih ljepota i afirmaciju outdoor ponude mogu značajno doprinijeti lokalnom razvoju. U cilju promocije navedenih lokaliteta i samog takmičenja, tokom cijele godine kontinuirano radimo na prezentaciji istih i uspostavljanju infrastrukture koja će vježbačima, izletnicima, planinarima i biciklistima omogućiti bavljenje aktivnostima na otvorenom.

Osim outdoor, ruralnog i održivog razvoja, uključivanjem lokalne zajednice i resursa u projekat, planinarsko društvo Javorina kao organizator takmičenja, zajedno s partnerima promoviše značaj očuvanja životne sredine s posebnim naglaskom na zaštiti šumskog fonda. Kontinuirano zagovaramo ekološku komponentu jer nam je važno da ove naše planine budu čiste, zaštićene, te da sve što se na njima gradi i radi bude u skladu prirode i prirodnog ambijenta.

*connecting cities and mountains*